

IA

DIVERS.
TRAICTES.
HISTOR.

IA

IA

IA

IA



cm 1 2 3 4 5 6 7 8 9 10 11 12 13 14 15

19 18 17 16 15 14 13 12 11 10 9 8 7 6 5 4 3 2 1



UNIVERS.
MUSEUM
HISTOR.

IN

IN

IN

IN

IN

OE xv
754

Pièce 1.	Daunou	381-	
2	-	912-	Pellacher 4168 ^{bis} =
3	-	915	- 4618
4	-	913	
5	-	914	- 3899
6	-	916	
7	-	917	
8	-	918-	

Toutes les autres pièces sont du XVI^e siècle.

Æ XV 754 p. verte

ancien L 4° 463


Relure aux armes de
De Thou avant
ses deux mariages

OE xv
754



Métre du

treschrestien Roy de France Loys Douzieme
de ce nom a sa bonne Ville de Paris





Le noble illustre Loys treschrestien
Roy des frâcois hault prince terre
Acompaigne de seignrs vertueux
Par le Vouloir du roy celestien
Receut couronne en honneste moyen
A saint denys comme cheuallereux
La eut mystere plaisant & sumptueux
Cestoit triumphe cestoit honneur & bruit
Le premier tour de iuliet gracieux
Mil quattrecens quattrevingtz & six huyt
Le lendemain qui fut deuytiesme tour
Vint a paris pour tenir son sejour
Triumphâment en pompe & en honneur
Et audeuant de son tresnoble atour
Ceulx de paris dune parfaicte amour
Saillirent hors pour veoir leur hault seignr
Acompaignez de noble gouverneur
De la cite de france capitale
En demonstrant que cest leur protecteur
Tenant le peuple en amour cordialle
Ducz princes contes seignrs & cheualliers
Bons capitaines de guerre brats routiers
Vous eussiez veu en tresnoble ordonnance
Acompaignez de gentilz escuyers
Faisans bondir en l'air cheuaulx courstiers
Cestoit plaisir de veoir leur contenance
Leur hault estat & leur noble bobance
Est impossible le narrer & descripre
Car les plus nobles du royaume de france
L'accompaignoient comme souverain sire
Que dirons nous de la magnificence
De l'excellence dun prince si puissant

Qui cherche pain a toute diligence
Sa refulgence: noble preeminence
Francois dispense / de france est iouissant
Vient en croissant: non pas en mendissant
Car fleurissant fait toute la prouince
Il nest plaisir que d'auoir humain prince
¶ Il y auoit trompetes & heraulx
Bien acoustrez: & en lair panunceaulx
Archiers empoint: suppres en bel arroy
Sonnans labours & instrumens fataulx
Tous a beau pie sans mulez ne cheuaulx
Pour faire honneur au treschrestien roy
Et cheminoint sans vice ne desroy
Goleusement / c'estoit toute plaisance
De regarder leur belle contenance
¶ Quant au regart des harnois & des bardes
Des belles doustes: des tournoyes des virades
Impossible est que nully le reuelle
Armeures faictes en facon de toquades
Becz de faucons espees & hallesbardes
Gens abillez a la gorge nouuelle
C'estoit plaisir Vne toyse sollempnelle
De veoir le peuple qui haultement crioit
Vive le roy, chascun le desiroit

¶ Ensuit la declaration de l'eschafault
de dessus la porte saint denys: & le my
stere qui y fut fait

Le char fault de dessus la porte saint denys
estoit encustode honnourablement fait & com-
pose par messeigneurs les preuost & escheuins
de la ville de paris / Dessus lequel estoit Vng
lys triumpgant a sept fleurons / & au pie du lys
estoit abillie Vng psonnage richement en abit
royal seme de fleurs de lis dor. Au pmiere des
fleurons dembas a main dextre estoit noblese
se abilee de drap de soye violete: & la teste gar-
nie de fermillets dor & crespines: & cheueulx
pendans. Et de lautre coste estoit Vng autre
psonnage aussi dedens le lis nome humanite:
abillie de soye grise. Et auoit en sa teste Vne
grosse perruque a deux bosses couuert de fers
millets dor & pierrierie en la facon du temps
passe / en demonstrant que lhomme noble doit
estre humain

Item au deuxiesme fleuron du coste dextre
estoit Vng autre psonnage nome richesse abile
lee de drap de soye de iaune dor & de teste com-
me Vne espousee le plus richement quil estoit
possible. Et de lautre coste du fleuron Vng au-
tre psonnage nome liberalite vestue de soye
blanche a deux cornes du temps passe garni de
fermeillets & de pierrierie demonstrant que lh-
omme riche doit estre liberal

Item au troistesme fleuron estoit Vng au-
tre psonnage nome puissance abillie de drap de
soye rouge tenant Vne espee en sa main la teste
garnie dun gros bourrelet fourny de pierrierie
& de fermeillets dor. Et de lautre coste estoit
fidelite vestue de drap de soye perse: & de labit

de teste en facon d'une damoiselle du tēps passe
a vng long atour demonstrent que vng hōme
puissant doit estre feal

¶ Item au millieu du lys auoit vng fleuron
q̄ montoit depuis la teste du roy charles le q̄nt
tout oultre les autres fleurs: a puenoit a vne
courōne q̄ estoit richement cōposee oultre le dit
escharfauld. & estoit au pie de le scharfauld vng
psonnage vestu de scarlate qui tenoit vng rolle
de papier en sa main: & disoit ce qui sensuit.

¶ L'acteur.

¶ Par noblesse & humanite
Richesse liberalite
Puissance aussi fidelite
Le chief paruient a la couronne
Qui procede d'antiquite
De charles quint par dignite
A si sacree maieste
Couronne & ceptre on habandonne
¶ Lors entra magnifiquement
Dedens sa ville capitale
Les escheuins triumpamment
De parfaite amour cordiale
Comme a la puissance royalle
Et des francois le Bray tresor
Ciel d'azur a fleurs de lis dor
Du bon du cueur luy presenterent
Et reuerāment le porterent
Sur son chief digne precieus
Parmy la ville cheminerent
Dun franc vouloir affectueus

E Le roy passa oultre iusques enuiron les fil
les dieu ou il rencontra vng grant porc apic que
deux mores menoiēt. Et auoit ledit porc apic
vng camail dor borde d'argent / auquel camail
tenoit deux grosses & larges chaines dor tor
tillées enuiron de deux toises de long qui men
noient & conduisoient ledit porc apic. Et quant
on vouloit il remuoit toutes ses plumes atour
noit les yeulx en la teste Il estoit barbe d'azur
seme de .L.L. couronnées & de soleils dor / et au
milieu dudit soleil auoit vne fleur de lis dor a
champ d'azur. Et estoient lesditz mores vestuz
de soye rouge & perse toques de soye laune

Item plus oultre deuant leglise de la trini
te auoient fait faire les gouuerneurs & confre
res de la cōfrairie de la passio vng escharfault
ou estoit abraham qui sacrifioit a dieu le pere
son filz ysaac Et a l'autre coste de le scharfault
le crucifiement de iesuchrist Cestassauoir iesus
pendu en la croix entre deux larrons / Judas
pendu / anne / capphe / pylate & plusieurs iuisz
regardant le crucifiement / & couroit incessam
ment sang par les cinq plaies dudit crucifix

Item y auoit a la fontaine du ponceau vng
lis bien ordonne & subtillement compose / Du
q̄l lis sortissoit par quatre fleurons de leue
en grant habondance pour rafraeschir ceulx qui
estotent alterez & perturbez de chault

¶ Item a la faulce porte saint Denis estoit Vn
escharfaulx acoultre hōnorablemēt & estoit Vn
monde ront en hault cūviron douze piedz. De
dens lequel monde estoit Vng personnage nō
me bon temps Vestu de soye tausne a grandes
manches acoulteres: & Vne grande barrete a
sa teste: lequel psonnage estoit appelle bō tēps.
Et tenoit en ce monde Vng autre personnage
nomme patp abille dune robe blanche: la teste
richemēt comme Vne espousee & auoit de dens
ce monde plusieurs menestriers & ioueurs d'ins
trumens qui sonnoient melodieusement

¶ Item sur le dit escharfaulx estoit Vng autre
personnage nomme peuple francors Vestu et
muyparti de soye rouge & perse: qui menoit Vne
fille par la main: & auoit le dit peuple francois
Vne barrette rouge a la florentine: Ladicte fil
le Vestue de soye verte & la teste acoultree cō
me Vne espousee cestassauoit a chaines dor: et
bagues p̄cieuses & se appelloit ladicte fille re
iouissance

¶ Item a l'autre bout de lescharfaulx estoit
Vng autre personnage nomme le bon pasteur
de france abille de Vne robe de soye blanche en
façon de roquet tenāt Vne houlette en sa main
& venoit alencontre dudit peuple francors: le
quel peuple francors disoit ce qui sensuit

¶ Peuple francors

¶ Je suis dehait menant resiouissance
A la venue du bon pasteur de france
Honneur / louenge / triumphe en luy habonde
Patp a bon temps il entretient au monde
Dieu le preserve de mal a de souffrance

¶ Ledit prince a seigneur passa oultre iusques
enuiron saint taques de l'ospital: ou il trouua
Vne belle fille vestue de soye blanche Vne cor
quille de soye violette en sa teste q tenoit Vng
cerf grant a espacieulx oultre mesure / car il a
uoit bien .xxvi. piedz de longueur a autant de
haulteur quant il auoit le col debout. Les cor
nes dudit cerf estoient dor La teste semblable
a Vng cerf. Il auoit deux grans esles de plus
ieurs couleurs qui procedoient des costes du
dit cerf a aloient aussi hault q sa teste: a estoit
ledit cerf barbe de gueulles seme de .L. L. dor
a de soleils dor: ausquelz souleils auoit de des
Vne fleur de liz dor a champ d'azur: a auoit au
col dudit cerf Vne couronne dor: ou pendoit Vn
escu de france. Et auoient les seigneurs de la vil
le fait faire ledit cerf / porc apic: a escharfaulx
dessus ditz. Et ladicte fille en presentant ledit
cerf au Roy disoit ce qui sensuit

¶ A Vostre venue excellente
Le cerf volant ie vous presente
Affin que la ville defferue
Vostre amour a vous se rend serue
Et de tous biens obediante

¶ L'excelle[n]t prince passa oultre & vint deuant
le chastellet de paris ou il y auoit vng escharo
fault prepare que les officiers dudit chastellet
auoient fait faire / a la couuerture duquel auoit
vng lis paint, au pie duquel lis estoit philippe
Après charles Duc de Valois après philippe
duc de Valois, & estoit en escript filz frere pere
de roy

¶ Item après en montant estoit iehan

¶ Item après Charles le quint

¶ Item après Loys duc d'orleans, & estoit en es
cript filz frere oncle ayeul de roy

¶ Après estoit Charles duc d'orleans: & estoit
en escript nepueu pere de roy, & au hault du lis
Loys douzieme de ce nom.

¶ Les custodes furent montees honnorable
ment deuant ledit prince, & y auoit sur lescharo
fault plusieurs psonnages abillez differente
ment. Et premierement

¶ Vng roy reallemēt acoustre assis en chaere
tenant estat royal / cest assauoir le ceptre en la
main dextre. Du coste dextre estoit bon cō
seil. Justice au coste senestre Et soubz ses pies
iniustice couchee

¶ Item y estoit puissance armee qui tenoit vng
boulge contre la poitrine de diuision
Et estoient alenuiron du Roy six psonnages
l'eglise / le peuple / seigneurie / pouoir / vniou
& paix.

¶ Ces choses veues ledit seigneur passa oultre & vint deuant le palais royal / & y estoit vng autre escharfault que messeigneurs de la chambre des comptes auoient fait faire / auquel escharfault estoient deux cerfsz volans qui tenoient vng grant escu de frāce tymbre. & au dessoubz dudit escu vng porc espic au pie. & au deux costez dudit porc apic les armes de millan. Et estoit en escript ce qui sensuit

*Quis fertiam iacula tergo gero dura rebelles
Quos iaculis nequeo cernere dente seror*

¶ Item y auoit vng autre escripteau ou estoit ce qui sensuit.

¶ Salut honneur & reuerence
Au Roy Lops le bien ame
Douzieme de ce nom clame
Par eternelle prouidence.

¶ Ce fait ledit prince cheuaucha vers nostre dame de paris acompaigne come dessus. Et grande quantite de peuple qui le supuoit / les autres lattendoient: & luy arriue a ladicte eglise se fit deuotement son oratoire puis se mist a chemin & sen retourna vers le palais royal

¶ Des metz: entremetz: Vins: viandes de diuerses sortes & couleurs a peine le sauroit on raconter. Ne aussi la multitude des princes

contes/bards/cheualliers escuyers/officiers
comme prelatz/gens deglise/marchans & ha-
bitans dicelle ville estoient receuz audit palais
honorablement. Et y auoit plusieurs sortes
d'instrumens/comedies/faceties/tragedies/
& autres nouallitez qui furent faictes a la ven-
nue de nostre souverain prince & seigneur.

¶ Et pource ceulx qui liront ceste presente en-
tree excusent l'imbecillite du simple acteur: et
prennent garde a la diligence quil en a faicte:
affin que la gloire & triumphe qui a este faicte
a la venue dudit seigneur soit respandue p tout
le monde pour en faire perpetuelle memoire en
priant dieu quil vueille pseruer de danger de
peril de mal & aduersite nostre souverain pas-
teur: & si bien conduire ses ouailles que en la
fin de ses iours il puisse acquerir couronne p-
petuelle au royaume de paradis


Amen.


¶ Et en la compaignie de son entree aps que
les quatre religions mendiennes furent venuz
au deuant de luy a l'entree de ladicte ville des-
uant ledit seigneur marchaient les seigneurs
des comptes destuz de scarlate moult noblemēt
appointez chascun selon son estat & leurs hays-
siers deuant eulx. Et aps marchaient les gens
de monseigneur le preuost de paris/les archiers
de la ville/le cheuallier du guet & ses gens


¶ Item apres marchaient certaine grant quan-
tite de cheualliers nobles seigneurs & gentilz
hommes dont lon ne scet les noms en armes

leurs cheuaulx bardez a les barbes couuertes
de drap dor de cypre garnies de pailletes dor et
d'argent: a vestuz de hucques de drap dor / sur
leurs harnois / montez sur cheuaulx de tous
stes a genetz quilz faisoient saillir en l'air en la
dicte entree: de leur haulteur. ¶ Et apres
venoient messeignrs des requestes de lostel /
ainsi ql aptient chün en son estat abillez en ro-
bes de scarlate. Et aps marchoiēt messeignrs
de plement ainsi qlz ont acoustume de faire en
tel cas / leurs huyffiers deuāt eulx. Et apres
marchoit mon fr le grāt escuyer: en sa compai-
gnie plusrs nobles gentilz hōmes et escuyers
moult noblemēt mōtez en armes: a leurs che-
uaulx moult richemēt bardez. ¶ Et aps mar-
choiēt les gardes dudit fr a pie en hocquettons
argentez leurs arcz bandezen grāt nombre de
gēs. Et aps marchoiēt certaine quātite de roys
d'armes a heraulx deuāt le roy nrēdit fr apres
les trōpetes a clerōs a aps le sd. roys d'armes a
heraulx marchoit le roy noblemēt acoultre mō-
te sur vng courstier dhōneur.
Et au deuāt de mon dit fr le grāt escuyer mar-
choit le capitaine des suyffes ses gens deuant
luy au nōbre de cēt ou six vingtz en moult belle
ordonnāce. Et derriere le roy nrēdit fr marchoi-
ent deux cēs hōmes d'armes leurs cheuaulx
bardez: et couuers de drap dor si sumptueuse-
mēt acoustrez qu'on ne sauroit penser.

¶ Explicit







cm
1
2
3
4
5
6
7
8
9
10
11
12
13
14
15
16
17
18
19



cm
1
2
3
4
5
6
7
8
9
10
11
12
13
14
15